



UNIVERSITÄTS-
BIBLIOTHEK
PADERBORN

Gvillielmi Postelli De Repvblica

Postel, Guillaume

Lvgdvni Batavorvm, 1635

Cap. XXXIII. Περί όινόπ[...]ων, quos bibendi arbitros dicere possumus.

[urn:nbn:de:hbz:466:1-65533](https://nbn-resolving.org/urn:nbn:de:hbz:466:1-65533)

ptiis, & sacrificiis: quoniam illic solebant dapibus affatim uti, atque adeo tantum non obrui. Hæc Athenæus. Non convenit in convivarum numero cum Platone. Is enim in nuptiis ultra decem convivas esse non vult, quinque viros scilicet, & totidem fœminas. Verum ille rem gestam, hic imaginariam, qualis est tota illius Respub. scribit. quapropter & magistratus illos quos Politia exponit nolui attingere, ne quis ignorantia, aut negligentia id à me factum credat.

CAP. XXXIII.

Περὶ οὐόπτων, quos bibendi arbitros dicere possumus.

QUOS cæteri authores οὐόπτες dixere, id est, vini observatores, illos Plato in effictæ suæ Reipub. libris *μνάμους* vocavit,

cavit, quod legis credo admone-
 rent. nam sicut gynæconomi, ut
 paulo ante scripsi, modum in
 mundo muliebri, convivarum
 numero, epularum modo, obser-
 vare cogebant: ita hi itidem in
 vini usu præscribebant, ut si quis
 bibendi modum esset supergres-
 sus, multa præsentē cogeretur
 parcius alias vino uti. Quis vero
 antiquis esset poculorum nume-
 rus non refert, quum naturæ non
 numeri sit habenda ratio. Mo-
 rem in ea re apud varias gentes
 observari solitum si quis scire
 desiderat, decimum, atque unde-
 cimum *δεικνυσσφισῶν*. Athenæi
 libros legat, in quibus fere nil
 aliud tractatur. Magistratus, in-
 quit ille libro X. *δινέπται* erant
 apud Athenienses teste Eupoli
 poëta *ὡς πόλεις*: quos nunquam
 adhuc vidimus inter milites ad-
 scribi, ne ipsos *δινέπταις* quidem.
 O civitas civitas, quam tu es de-
 lica-

licatior, quam melior, ac prudentior? Hæc ad verbum Athenæus. Ex illa Eupolis sententia apparet, antiquitatem, militem usque adeo sobrium deligere solitam, atque vini usu carentem, ut ne ipsos quidem vini observatores voluerit eum augere numerum. Quantum vero iuuet vini usu in exercitu carere, satis re ipsa ostendit Turca, qui magna quidem illa multitudine, sobria tamen, vini que usu pœna capitis in exercitu destituta. Græcos tam egregios potores, ut proverbium pergræcandi hinc sit natum, Macedonas, Thraces, Dacos, Mysios, Pannonos, Iugros, Dalmatas, Gepidas, atque adeo ipsos Germanos etiam vino armorum peritiam iungentes, nostrosque Gallos docet rem bellicam infœlicius inter pocula, fœminasque tractari, atque delicias, quam in tenui mediocritate, vitæque abstemia.

222 DE REPUBLICA
stemia. Nostri Thraſones inter
pocula, Venerem, ruſticos, ſingu-
li decem illius viros unico con-
greſſu, ne dicam niſtu, conficiunt
verbis, & interim ille ſerio, re-
que ipſa de nobis, aris, focis, libe-
ris, coniugibusque triumphat.
Sed ad Athenæum redeo. Hi ve-
ro *ὀνόπται*, ait, obſervabāt quæ in
conviviis ſolerent fieri: ſi æquali-
ter biberent convivæ, Erat ve-
ro vulgaris magiſtratus, & te-
nuis, ut ait Philinus rhetor in
Crocandiarum diſciplina, trium-
que virorum numero, qui inde
ὀφθαλμοί ſunt vocati, oculi,
quod non raro quos oculos men-
tis ipſi convivæ vino victi per-
derent, hi reſtituerent monitio-
nibus. Sympoſiarchæ ab his mi-
hi tantum nomine differre vi-
dentur. Huic *ὀνοφλύγων*, vini
helluonum peſti, ſanctiōne pro-
ſpexerat ante duodecim annos
Carolus imperator Quintus, ſta-
tuerat-

tueratque in temulentos pœnam: verum ex eius lege evenit quod ex divina ait Paulus, ut per legem, quæ semper est peccati filia, peccati fieret augmentum (ut natura in vetitum nitimur, cupimusque negata) atque à quo esset genita, sibi redderet genitum. Nisi enim sint accerrimi legum latarum vindices, illæ ad ostensionem, peccatique revelationem videntur latæ, non ad coërcitionem. Leges enim si semel hominum mentibus, vel opinione sola sint imbibitæ, plus poterunt quam ipsissima veritas. Suasit lex Chaldæorum contemnere mortem: homines in toto fere orbe sacrificare: quod & hodie apud Barbaros nuper nostro orbi revelatos, viget. loco ipsorum animalia divis occisa sacrificare. atque adeo plus valuit falsa persuasio, Pharisæorum, & scribarum leges etiam divinæ refragantes

gantes sub adventum Christi, & suorum, quam ipsa ab ipsissima veritate enunciata veritas. Quare si lex aliqua est ferenda, est & alenda, consuetudineque, aut vi in usum trahenda: alioqui frustra fertur. Flandri itaque, & quotquot sunt illic Germani videntur non tantum neglexisse, sed legis Caroli vim auxisse. Veneti vero quia adolentes patricos videbant rem familiarem cui essent successuri, absumere, mercaturam (cui tota Italiae nobilitas studere merito mavult, quam aliena diripiendo, vanum, nudumque nobilitatis nomen praetexere) neglectam relinquere, & praeterea rei familiaris dispendium decoctionibus, in spe & rei familiaris, & amplissima dotis, ingens facere, indeque scelera ex consortio nebulonum (qui facillime in liberrimam totiusque orbis felicissime sitam civitatem irrepunt) contrahere, non infre-

infrequenter inde ad laqueum
 trahi: sanxere una & dotis, & epu-
 larum in conviviiis privatis mo-
 dum, ne privatis epulis pœna
 multæ ultra unum, aut alte-
 rum capum non imperata venia
 apponerent cum bubula, & ver-
 vecina: neve quantumvis dives
 patricius ultra sex millia Duca-
 torum aureorum dotis nomine
 filix aufit dare quum antea à te-
 nuioribus ad sexaginta, quadra-
 ginta, quinquagintaque M. da-
 rentur. Ad hæc ne ullus patri-
 cius aufit filio ante ætatem iu-
 stam dare, qua in leges peccare
 sumptu liceat: unde factum est,
 quum sint exacti apud illos no-
 mophylaces, ut luxus coërcere-
 tur, res, si non fieret amplior, nul-
 lum acciperet detrimentum.
 Prudens hic silentio sepultam
 volo quam gloriam multæ natio-
 nes ex vini ingluvie ambiunt,
 quum videam laudi dari, quod
 P homo

homo cum homine, & ipfius equo certando certamen inear bibendi, vincatque, atque una die, horaque absumat quod denis iuste faciat fatis. Video enim hæc monstra frequenter eſſe in deliciis, tantum abeſt ut pœna ſit flagitiis illis conſtituta.

CAP. XXXIV.

*De fori curatoribus, quos
ἐπιμελητῆς ἑμπορίας
dicunt.*

FORI curatores decem Athenis fuere, qui pro tempeſtatis, annonæque ratione de rerum precio ſtatuebant, ut non vendentium arbitrio, ſed iuſto tantum precio diſtraherentur: ad hæc ne vitioſas loco legitimarum merces exponerent: præterea ne quis civium plus frumenti, vini que quæſtus cauſa apud ſe
repo-